



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

10. Alij ab Alexandro in Angliam Legati, sed nullo effectu. Sanctus Henricum convenit, nec tamen flectit: tandem Alexandri Legatis Rex cedit.

urn:nbn:de:hbz:466:1-38277

Hæ sunt ferè rationes, quas varijs in locis (a) Sanctus Archiepiscopus adducit, ut ostendat, se postulatis Henrici Regis in ultimo colloquio subscribere nequivisse, eisque eventus probavit; nam tandem illum à sicarijs extinctum, & Henricus deflevit, fatalisque consuetudines ejuravit, quas Sanctus ferre non poterat: & omnium Angliae Galliæque votis absolutus est; damnati vero, qui ei obstiterant. Deus ipse tot miraculis ad ejus tumbam patratis, & publicâ totius Ecclesiæ veneratiōne verum Pastorem fuisse ostendit, quique animam suam posuerit pro oib⁹ suis; alios vero mercenarios, & venientis lupi umbrâ perterritos fugacisque. Illam vero rationem præcipue Sanctus urgebat, videlicet: *Non simulatione, non ingenio regenda est Ecclesia, sed iustitia, & veritate, quæ se observantem liberat ab omni periculo.* Et delicta Regis tam multa, & magna erant, nulloque pudore admissa, ut nec excusari, nec ferri possent, nisi omnium offensione, & publicâ Ecclesiæ clade. Toto quinquennio Archiepiscopo exulante, bona Cantuariensis Ecclesiæ, exulūmque occupaverat: in Sancti amicos tantâ crudelitate sœvitum, ut plurimi morte, alij omnes exilio punirentur: nulla venia ætati, aut etiam pueris data, alij cunis, alij lefis in exilium ferebantur: Lincolniensis, Herefordiensis, Eliensis Episcopatus Fisco adscripti: Landavensis Ecclesia militibus prædæ data. Bangorensis decennio vacavit, & fructus Regi cessere: Clerici nullâ sacrorum reverentiâ carceribus addicti, aut membris truncati: alijs oculi effossi, ad duellum acti, alij superstitionis ignis, & aquæ quæstionibus subjecti. Quæ omnia cum palam essent, nec ea Rex corrigeret, solis pollicitis, & spe contentus, dissimulari ab Archiepiscopo non poterant, multò minus probari. Et tamen, quod vix posteritas credet, nec finem mirandi faciet, Episcopi omnes tam iniquis postulatis assensere, imò, ne errasse viderentur, patrocinati sunt.

X. Nihil interim Alexander omittebat, quo Regem emendaret; cum epistolis nihil proficeret, quartâ Legatione Henricum fatigavit: primâ Wilhelmus, & Otto Cardinales functi sunt, sed paulo post revocati, quod nimia indulgentia in Regem uterentur, adeò ut is palam jactaret: *Se Dominum Papam, & omnes Cardinales habere in bursa sua, seque consecutum esse privilegium Avi sui, qui erat Rex, Legatus Apo-*

(a) V. lib. 2. epist. 28. & epist. 30. & lib. 4. epist. 14. & lib. 2. epist. 46.

tus Apostolicus, Patriarcha, Imperator & omnia. (a) *Wilhelmus præser-*
tim palam Regifavebat; hinc frequentes in Alexandrum quere-
læ, cuius fama laborabat improbitate ministri: alij ergo in An-
gliam missi primis revocatis; ij erant Gratianus E. R. Diaconus,
Eugenij Pontificis Nepos, & Vivianus Archidiaconus Urbis Ve-
teris, pietate & doctrinâ conspicui. Summa mandatorum erat:
Muneribus abstinerent imd etiam necessarijs sumptibus, nisi pace obtentâ: pax vero
aqua esset, Ecclesie, & Archiepiscopi juribus illibatu: dum compositio agitaretur,
abstinerent interim censuris, omnique severitate, qua Regem abalienare, morari-
que possent. Idem observaret Archiepiscopus, conderetque ferrum, dum spes ali-
qua sanitatis affulgeret: pace vero ad diem S. Michaeli non fecutâ, liberum ei esset,
obstinatum ferre, & Regnum interdicto subiungere. Hæc Legatis mandata,
Rege interim omnia moliente, ut Sanctus Cantuariensi Ecclesiâ
moveretur. Ludovico supplicavit, ut Regno ejiceret; cui regie
responsum est: Si Anglo tanta cura esset suarum consuetudinum, quamvis Deo
adversantium; multò magis Gallie consuetudines sibi cordi esse, qua miseros affi-
dōsque, & præférunt sacerdotes justitiae causâ proscriptos semper finu receperat.
Mediolanensis marcarum tria millia promissa: Cremonensisibus
duo millia: Bononiensisibus, & Parmensisibus mille, si Alexandrum
permoverent, ut Cantuariensem alio transferret. Ipsi Pontifici pax
cum Imperatore, omnium in Anglia vacantium Episcopatum collatio, Romanorum, qui tumultuabantur, subiectio, & tandem
marcarum milliadem promissa; sed Pontifice immoto, flectique
nescio minæ successerunt. Morrardini Turcarum Principis so-
cietatem, & Religionem se potius amplexurum, quam ut hunc
hominem Cantuariæ, & in Regno videret: adeò Henricus odio
flagrabat, ut animum demitteret ad tam indigna, si non potius
hæ Legatorum minæ, quam Regis imperium fuit. Respondit
Alexander: Non ideo se impium esse posse, quia Rex perire velit. (b) Legati
humaniter à Rege accepti, quamvis Alexandri litteris offenso. Ubi
de pace agi cœptum, varij, multique conventus indicti, sed frustra,
Rege semper alio, jam pacato, jam offenso, jam pacem offerente,
jam revocante, & minas frequenter miscente; quod cum more
suo aliquando faceret, Gratianus Legatus Romanæ, impavidèque
respondit: Domine, noli minari, nos enim nullas minas timemus, quia de
tali

(a) V. lib. 1. epist. 179. & lib. 2. epist. 58. (b) Vid. lib. 2. epist. 66.

tali Curiastamus, quæ Regibus, & Imperatoribus consuevit imperare. (a) Inter alias pacis conditiones illam præsertim Rex urgebat, ut videlicet Archiepiscopus sponderet, se officio quidem suo functurum, *Salvâ tamen dignitate Regni*. Æquissima videbatur conditio rem non intelligentibus: sed eam Legati reiiciebant: nam per dignitates Regias, consuetudines illas notabant olim damnatas, addebântque: si nomine Dignitatis Regiae jura Regum, & Coronæ intelligerentur olim à Regibus Angliae possessa, nihil litis superesse, nec ea Archiepiscopum morari, paratūmque jurare, imò jam olim jurâsse; cæterum eo nomine abusus celari, Ecclesiæ toti, nec tantum Angliae fatales: mirum esse, Regem, qui nuper hanc formulam ab Archiepiscopo propositam repulerat, videlicet: *Salvo Dei honore*; jam aliam velle minus necessariam; an ergo Rex præ Deo esset? aut si non esset, cur honori suo parcí, non Dei vellet? aut ergo omitti eam formulam velut captiosam debere, aut exprimendum, quænam illæ Regiæ dignitates essent, quarum curâ adeò premeretur? Quòd si neutrum placeret, illud saltem promitteret, aliam, parémque formulam adjici, quæ Ecclesiæ aequè ac Regem protegeret, videlicet: *Salvâ Ecclesiæ libertate*. Hac enim nihil Regibus adimi, sed ea tantum Ecclesiæ dari, quæ alias deberentur.

Justa erat postulatio, ac plena honestatis; quid enim æquius, quām ut Regis juxta Ecclesiæque dignitati caveretur? à Regijs tamen admissa non est, & ideo Legati desperatâ pace Regno excessere, non ideo tamen absistebat Pontifex, sive beneficiorum, quæ à Rege acceperat, memoriam, sive spem omnem nec dum consumpsérat, sive, quod vero propius est, verebatur Regem aliás indomitum, & in extrema promptum ad defectionem urge-re, parcebatur ergo, sperabatque: tertiam interim Legationem adornat, & litteras, quas Legati ferebant, minis aspergit, ac initium Quadragesimæ ineunda paci præscribit: alij stamen secreto datis Regem orat, monétoque, & paternâ charitate demulceret, tūque magis devinciat, interdicit Archiepiscopo, ne in Regem Regiósque potestate suâ utatur, nisi pace composita; quæ causa illi fuit rem in longum trahendi, ludendique Pontificem ostentatâ semper pace, at nunquam factâ. Parisijs Reges Angliae, Galliæque convene-

K. 2 runt;

(a) Vide lib. 3. epist. 6.

runt; adfuit Archiepiscopus, Legatorum, aliorūmque Episcoporum, ac Ludovici Regis monitu nihil omisit, quo placari, mollirique Rex posset: flevit, rogavit, procidit, juravitque, nihil se charius, aut antiquius habiturum Regis obsequio: etiam Regni consuetudines servaturum, quantum tamen per conscientiam liceret, & Dei Leges paterentur; verba Archiepiscopi hæc sunt: *Pro pace Ecclesia, & gratia Regis promitto, me consuetudines illas, quas Sancti Antecessores mei Regibus suis servaverunt, salvo ordine meo servaturum, quantum secundum Deum possum: & faciam pro amore ejus recuperando, quidquid possum, salvo honore Dei.* (a) Quid amplius posset? At Rex tam æqua indignatus, colloquium abruptit, discessitque: epistolas vero Pontificis, quas secretas volebat, & cum pompa ostentabat, insultabatque Archiepiscopo potestate suâ minuto: hinc in Alexandrum omnium ferè calami, & linguae provocatae; querebantur enim (b) innocentem Archiepiscopum non deseri tantum, sed etiam ludibrio exponi, obstinari vero Regem indulgentiâ, & beneficijs importunè oblatis: quæ omnia Alexander excusavit malitiâ temporum, & pejorum metu: (c) revocavit tamen gratiam Anglo concessam, & abusu corruptam; nec tamen desperavit, quartâ & ultimâ Legatione expugnando Regi admotâ: eâ perfuncti sunt Episcopi Nivernensis, & Senonensis, & Archiepiscopus Rothomagensis; ijs mandatum, Regem permoverent: *Archiepiscopum, alioisque exules Anglia redderet: Ecclesijs ablata restitueret: consuetudines Ecclesiasticae libertati adversas, & solum item discordiarum aboleret: Episcopos, qui illa subscriperant, juramento liberaret: & denique intra dies quadraginta finis litibus effet: aut Rege abnuente, Provincia Cismarina, ubi umorabatur, Interdicti subjacerent: & si obstinari pergeret, eandem sententiam expectaret, quam Fridericus imperator.* Hoc ultimum Regem fregit, coronaæ suæ anxiū, & exemplo Friderici pavidum; pacem ergo festinavit.

XI. Locus ferienda paci destinatus, pratum fuit, amœnissimum quidem, sed nialo omne proditorum appellatum. Ubi venientem Archiepiscopum vidit, caput aperuit, exiliitque in amplexum, & loqui parantem ne admisit quidem, prævenitque: postea mutuis colloquijs, & gaudijs perfuncti soli in partem secedunt,

(a) Vide lib. 4. epist. 8. (b) V. lib. 4. epist. 14. 1. 22. 23. 25. 28. (c) Vide lib. 4. epist. 16. 17. &c. 51.